



Broj: 04-GV-04-1011/21
Sarajevo, 14.09.2021. godine

*ZAPISNIK O RADU
ČETVIRTE SJEDNICE ODBORA ZA LOKALNI BIZNIS I TURIZAM
održane 14.09.2021. godine*

Prisutni:

1. Faris Šehović, predsjedavajući
2. Senka Tahmaz, zamjenica predsjedavajućeg
3. Irmin Pita, član,
4. Almir Softić, član
5. Amina Šuman-Brkić, članica
6. Nermin Džino, član
7. Jasmin Skorupan, član

Sjednici iz Gradske službe za Gradsko vijeće prisustvuje:

- Mirjana Đanović-Stanić, rukovodilac stručnih službi Gradskog vijeća Grada Sarajeva
- Zinaida Beširević, šef Odsjeka za stručne poslove

Sjednici po ovlaštenju Gradonačelnice, prisustvuje:

- Elvir Hadžiahmetović, pomoćnik Gradonačelnice za lokalno poslovanje
- Dragana Solaković, pomoćnica Gradonačelnice za lokalnu samoupravu i razvoj grada
- Nermina Suljević, ispred Gradske službe za lokalnu samoupravu i razvoj grada

Sjednica započela s radom u 13.00 sati.

Predsjedavajući Odbora je otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem Zapisnika o radu Treće sjednice Odbora za lokalni biznis i turizam Gradskog vijeća Grada Sarajeva održane 16.06.2021. godine.

Nakon glasanja, sa četiri glasa "ZA" i tri "SUZDRŽANA" glasa, Zapisnik sa prethodne sjednice je usvojen.

Na prijedlog predsjedavajućeg Odbora, jednoglasno je usvojen sljedeći **dnevni red**:

1. Prijedlog Plana rada Grada Sarajeva za 2021. godinu
2. Informacija o implementaciji Smart city inicijative
3. Predlaganje tema za izradu Nacrta Programa rada Gradskog vijeća Grada Sarajeva za 2022. godinu
4. Tekuća pitanja



TAČKA 1.

Prijedlog Plana rada Grada Sarajeva za 2021. godinu

Uvodno izlaganje dala je predstavnica Predlagača.

Nakon uvodnog izlaganja i rasprave, na prijedlog Predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam sugeriše Gradskom vijeću da razmatra Plan rada Grada Sarajeva za 2021. godinu kako je predložen.

TAČKA 2.

Informacija o implementaciji Smart city inicijative

Uvodno izlaganje dala je predstavnica Predlagača.

Nakon uvodnog izlaganja i rasprave, na prijedlog Predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam sugeriše Gradskom vijeću da razmatra Informaciju o implementaciji Smart city inicijative kako je predložena i primi je k znanju.

Nastavak zasjedanja Četvrte sjednice Odbora za lokalni biznis i turizam Gradskog vijeća održan je 16.09.2021. godine kako slijedi.

Prisutni:

1. Faris Šehović, predsjedavajući
2. Senka Tahmaz, zamjenica predsjedavajućeg
3. Irmin Pita, član,
4. Almir Softić, član
5. Amina Šuman-Brkić, članica
6. Nermin Džino, član
7. Jasmin Skorupan, član

Odsutni: Amina Šuman-Brkić, članica

Sjednici iz Gradske službe za Gradsko vijeće prisustvuje:

- Mirjana Đanović-Stanić, rukovodilac stručnih službi Gradskog vijeća Grada Sarajeva

Sjednici po ovlaštenju Gradonačelnice, prisustvuje:

- Senaida Alić, iz Službe za lokalno poslovanje

Sjednica započela s radom u 15.00 sati.

Nastavak rada se odvijao prema sljedećim tačkama **dnevnog reda**:

3. Predlaganje tema za izradu Nacrta Programa rada Gradskog vijeća Grada Sarajeva za 2022. godinu
4. Tekuća pitanja

TAČKA 3.

Predlaganje tema za izradu Nacrta Programa rada Gradskog vijeća Grada Sarajeva za 2022. godinu

Poslije rasprave, na prijedlog člana Odbora Jasmina Skorupana i sažetka Predsjedavajućeg, Odbor za lokalni biznis i turizam je većinom glasova, uz izdvojeno mišljenje predsjedavajućeg, usvojio sljedeći **zaključak**:

Upućuje se zahtjev predsjedavajućem Gradskog vijeća da uputi materijal za izradu Nacrta Programa rada Gradskog vijeća Grada Sarajeva za 2022. godinu na još jednu sjednicu ovog radnog tijela i to do 20.09.2021. godine, budući da članovi Odbora cijene da od prijema poziva do sjednice, nisu imali dovoljno vremena da na odgoovarajući način pripreme svoje prijedloge ni poslije održanog nastavka sjednice, a sve zbog što kvalitetnije pripreme prijedloga, cijeneći značaj materijala o kojem se radi.

Predsjedavajući Odbora je izdvojio mišljenje sljedećeg sadržaja:

S obzirom da su ispoštovane sve odredbe člana 41. Poslovnika Gradskog vijeća koje se odnose na sazivanje sjednica radnih tijela, predsjedavajući Odbora smatra da je bilo dovoljno vremena da se razmotre svi materijali upućeni na razmatranje Odboru, te da nema potrebe za sazivanjem nove sjednice, čije sazivanje će proizvesti samo dodatno opterećenje na Budžet Grada Sarajeva.

TAČKA 4.

Tekuća pitanja

Odbor za lokalni biznis i turizam upućuje Gradskom vijeću Grada Sarajeva na razmatranje **inicijativu** koju je jednoglasno usvojio a koja je sljedećeg sadržaja:

Predlaže se Gradonačelnici da razmotri mogućnost i osmisli rješenje tako da se na službenim skupovima u organizaciji Grada Sarajeva (sjednicama Gradskog vijeća, radnih tijela, te drugim službenim sastancima) poslužuje voda, ali i drugi proizvodi koji se nabavljaju od lokalnih dobavljača.

Odbor za lokalni biznis i turizam traži da se Gradsko vijeće izjasni o podnesenoj inicijativi kako bi ona postala inicijativom Gradskog vijeća Grada Sarajeva.

PREDSJEDAVALJUĆI ODBORA

Faris Šehović, s.r.

Predsjedavajući Odbora je u 15.45 sati prekinuo rad Četvrte sjednice Odbora za lokalni biznis i turizam Gradskog vijeća Grada Sarajeva.